





6657. (Res.)

B. L.

[Faint horizontal line or mark]

[Faint, illegible handwriting]

B. 1 ~~1978. A. 2~~

Cat. De Myon 13057

L E S
S O V S P I R S
A M O V R E V X
De F. B. de Veruille.

*Avec vn discours Satyrique de ceux qui
escriuent d'Amour, par
N. le Digne.*

Plus vn recueil de diuerses Poësies,
non encor' Imprimees.




A R O V E N,

DE L'IMPRIMERIE, DE
Raphael du Petit Val, Libraire & Impri-
meur ordinaire du Roy.

1606.

Avec Privilège dudit Seigneur.



8° B. L. 8959 (Réserve)

20 V 2 P 1 R 5

A M O V R E Y

Dr F. B. de Ver...

... ..

... ..

M. de Digne

Plus un recueil de

... ..



... ..

A R O N T R

... ..





*A celle qui a causé l'impression de
ces souspirs.*

M A D A M E , si quelquefois vous auez
pris plaisir aux piteux accès des souspirs
que ie tirois du plus prez de mon cœur , quand
respirant heureusement la vie du bel œil qui
me perce iusques à l'ame : ie vous tesmoignoie
la verité de ma passion , vous souuenant de ma
fidelité, iettez à cette heure quelque petit re-
gard r'adoucy sur les diuers pourtraits de mes
affections : Et si iamais vous logeastes en vo-
stre sang quelque douceur , receuez les aussi
humainement , que i'ay eu de felicité a viure
& mourir pour vous , que i'honoraray , tant
que defaillant , ie me transformeray en l'es-
sence du mesme amour que ie souspire pour
vos beautez.



F. B. DE VERVILLE,

A


M. A. D. B.

IE meurs en despitant ma fortune aduersaire
 Qui m'a fait naistre icy avec tant de malheur,
 Qu'ayant vn grand courage enfermé dans mon coeur,
 Je ne me puis de moy, moy mesme satisfaire.

Vn trop brave desir par vn effect contraire
 Me va tyrannisant avec trop de rigueur,
 Et d'un gentil penser i'assemble ma douleur
 Par ce qui me fait estre & qui me vient deffaire.

Car i'auois bien-heureux protesté en mon ame
 Qu'au lieu de sousspirer mon amoureuse flamme,
 Je dirois par mes vers vostre perfection.

Mais las ce grand suiet estonne ma puissance,
 Et veut que seulement en toute obeissance
 Je vous offre les vœux de ma deuotion.



SONNET.

A. M. F. M. V.

Madame, ie puis bien comme miens vous offrir,
Ces souspirs qu'à vn autre Amour a fait escrire:
Puisque mon cœur pour vous ainsi que luy, souspire
Au mal, qu'Amour luy fit pour sa Dame souffrir.

Si sur eux vous daignez vos yeux aimez ouvrir
Vous pourrez voir au vray cet amoureux martire:
Que mon cœur ne pouuant par ma bouche vous dire,
Par les escrits d'autruy vous vient or descouvrir.

Peut estre dira-on, ce qui se dit souuent,
Que les souspirs d'Amour ne sont rien que du vent
Mais comme l'on voudra que l'estime on en face:

Ie seray satisfait pourueu que mes souspirs
S'ils sont vent estimez, soyent au moins les Zephirs,
Qui m'ameinent au port de vostre bonne grace.

R. D. P. Val.

Extrait du Priuilege.

PAR lettres patentes du Roy donnees à Rouen le quatriéme de Feurier, mil cinq cens nonante sept: Signees par le Roy estant en son Cōseil, Mauguin. Et seellees du grand seau en cire iaune sur simple queuë. Il est permis à Raphaël du Petit Val, Libraire & Imprimeur ordinaire du Roy en la ville de Rouen, d'imprimer ou faire imprimer quelques discours & Recueils, tant en Prose qu'en Poësie, de plusieurs sçauans hommes dece temps, non encores imprimez, ainsi qu'il est plus amplement contenu audit Priuilege. Et faisons deffences à tous autres Libraires & Imprimeurs de ce Royaume, d'imprimer lesdites œuures, n'y exposer en vête, tât en public qu'en particulier, contre la teneur des presentes pendant le temps & terme de dix ans, sur peine de cinquante escus d'amende despens, dommages & interests, comme plus à plain est porté esdites patentes: Et outre voulons & nous plaist qu'en mettant vn extrait dudit Priuilege, au commencement ou à la fin desdites œuures, il soit tenu pour deuëment notifié à tous Libraires, Imprimeurs, & autres. Car tel est nostre plaisir. Fait l'an & iour dessusdit.



LES SOUSPIRS
AMOUREUX DE
F. B. de Veruille.

I.



ANDIS que discourant en mon
intelligence,
Je cherche le destin qui me doit
aduenir,
Je cognoy que le ciel veut vn coup
me tenir

Sous les heuruses loix de vostre obeissance.

Du sort, du ciel, d'amour l'infinitie puissance
Me pousse, me contraint, & me force a venir
Où la diuinité voulut faire finir

L'influence ordonnee, au iour de ma naissance:

Tout est suiet icy à la fatalité,
Les astres guident tout, & l'amour indompté
Respand à son vouloir, par l'uniuers sa flame.

Puis doncques que le Sort, me tire à tel destin,
N'allez contre le Ciel pour empescher sa fin,
Mais permettez qu'Amour triomphe de mon ame.

II.

J'amaï la douce ardeur d'une si belle flame
N'auoit dedans mon sens allumé mon tison,
J'amaï mon cœur captif en si belle prison
N'auoit logé le soin au plus beau de mon ame

J'amaï aussi les yeux d'une si belle dame
N'auoyent peu arrester mon humaine raison,

A iiii

Jamais ie n'auois veu cette belle saison,
 Qu'un sousspir amoureux doucement nous enflame.
 Mon cœur dormoit encor, & mon œil se moquoit
 Des puissances d'Amour, & quand il le voioit,
 Il brauoit la fureur de ses flesches meurtrieres:
 Mais enfin aux rayons de vos diuinitez
 Il surprit mon esprit, & mes yeux indomptez,
 Et les rendit captifs de vos belles lumieres.

I I I.

Je scay bien que le ciel en vous donnant la vie,
 Ne mist en vos beautez rien qu'amour & douceur
 Je scay bien qu'aux flambeaux qui d'une belle ardeur
 M'embrasent doucement, loge la courtoisie.

Mais helas! ie cognoy que mon ame affermie
 Sous les cruelles loix d'un superbe vainqueur,
 Qui sous le nom d'amour se cache dans mon cœur,
 L'endure le tourment d'une iuste furie.

Et pourtant au plus fort de mon affection,
 Par trop impatient durant ma passion,
 Au lieu de mon amour, ma peine ie sousspire.

Pardonnez-moy madame, & en prenant pitié
 De mon cœur pour loyer de ma sainte amitié
 En vn meilleur espoir transmuez mon martyre.

I I I I.

Je meurs, helas! non fay, ie vis en esperance,
 Helas ie ne vis pas, las! doncques ie me meurs,
 Je ne meurs pas aussi, mais par mille rigueurs
 Madame fait essay de ma perseuerance.

Je languis donc helas! & ma vaine constance
 Me cause en bien-aymant tant de tristes douleurs,
 Et sous le bel espoir de ses douces faueurs,
 Je sens d'un feu cruel l'inhumaine puissance.

Ha ! j'ayme mieux mourir que vivre en tel malheur
 Non plus tost ie viuray, portant dedans le cœur
 L'attente d'une mort qui termine ma peine.

Non ie ne viuray pas, mais passant entre-deux
 Tant que le ciel voudra qu'icy bas ie me traine
 Je viuray ou mourray comme voudront ses yeux.

V.

Saintement enflamé des rayons amoureux,
 Dont l'eternel brasier donne essence à ma vie,
 Je sens dedans mon cœur une agreable envie,
 Qui me fait desirer de vivre langoureux :

Que ie languisse donc & que d'un sort heureux
 Leur feu dure toujours en mon ame affermie
 Sous les cruels liens dont la douceur me lie
 De ce nœud qui me fait de mon mal desireux.

Pour rien ie ne voudrois eviter cette paine
 Que glissant dans mon sang, heureusement me gese
 Tant me sont doux les traits de vostre cruauté :

Aussi ie ne voudrois vivre sans mon martyre,
 Car mon contentement est lors que ie sousspire
 Pressé de passion servant vostre beauté.

V I.

Amour qui de cent coups mon pauvre cœur entame,
 Cachant dedans mes os de ses flammes l'ardeur,
 Me fait de vains sousspirs plaindre pour la rigueur
 Des yeux dont les rayons donnent vie à mon ame :

Mes poulmons consumés d'une eternelle flamme
 Ne respirent cet air, qu'attendant le bon heur,
 Qui cruel m'abusant par un espoir trompeur,
 D'un feu continuel dedans le sang m'enflame.

Et lors que pour tromper le soin qui me tourmente,
 Je vay cherchant l'obiet qui à mon cœur presente,

Avec tant de malheurs l'esperance de mieux.
 Celle dont obstiné la vie ie respire,
 Prend plaisir à ma peine & voyant que i'empire,
 Fait ignorer le mal que me causent ses yeux.

STANCES.

DE mille coups mortels mon ame martirée,
 Se plaint sous la rigueur de la flesche acérée:
 Qu'amour trop inhumain cache dedans mon cœur,
 Et rempli de sanglos triste ie ne respire
 Que l'air, ou mal-heureux ma peine ie sousspire,
 Attendant qu'un bel œil termine mon mal-heur.
 Plain de soucis mordans ie sens dedans mes veines
 Her tourmens eternels des ennuyeuſes peines
 Dont l'ardeur renouuelle en mes os mon amour:
 Et pleurant vers le ciel presque ie me despise
 Qu'il m'a fait naistre icy en si peu de merite,
 Que ie n'ose esperer que vous m'aymiez vn iour.
 Ha mal-heureux destin, ha toy par trop cruelle,
 Qu'il faut qu'en bien ayman deuot, humble, fidele,
 Je ne puisse esperer vn doux semblant de mieux.
 Helas! s'il faut que vous inhumaine & contraire
 N'ayez pitié de moy, ny plaignez ma misere,
 Pourquoi le ciel veut-il que ie brusle à vos yeux?
 Les cruels ennemis de ma triste pensee,
 Et les attraits qui l'ont heureusement blessee
 De contraires efforts s'agitent dedans moy:
 Le desespoir me pousse à oublier ma flame,
 Et vos perſections r'allument en mon ame,
 Les gracieux effets d'une amoureuse loy.
 Quand vn iour favorable en ma peine fascheuse
 M'assure que vos yeux vous promettent pitieuse,

Et qu'ingrate n'aurez mon service à mespris,
 Vne gelante peur dedans mes os se verse,
 Qui cruelle en vn coup tout mon bon-heur reuerse
 Acheuant de meuririr mes perissans esprits.

Mais quoy qu'en tel tourmēt ma gesne se renforce,
 Et qu'amour exerçant sa bourrelante force
 Sur mes os, monstre en moy son plus cruel pouuoir,
 Si seray-ie fidele, & ma perseuerance
 Destournant mon ennuy plain de belle constance,
 Je vous feray cognoistre vne fois mon deuoir.

Quoy que cent traits mortels d'une horreur
 effroyable

Tourmentent en mon sang, ma vie miserable,
 Que ie n'ose esperer en ma fidelité,
 Vostre sage vertu dans mon cœur imprimes
 Y sera sans changer saintement engrauee,
 Autant que dans le Ciel sera l'eternité.

Et quand vous ne voudriez en vne amour commune,
 Passer avecque moy nostre heureuse fortune,
 Si est-ce que i'aurois du bien en mon soucy:
 Car ce m'est beaucoup d'heur, que le Ciel ne permet-
 te

De vous oser aymer, & que hardy ie mette
 En vn si beau suiet, ce que i'espere icy.

Mais si le Ciel benin à mes desseins propice,
 Fait que vous receuiez vne fois mon service,
 Vous touchant du soucy que me faites sentir:
 Je me veux perdre en vous, & en mon heur extrême
 Vous tesmoigner l'ardeur dont mon ame vous aime
 La laissant en vos mains pour y viure & mourir.
 Si donc quelque pitié vous a iamais saisie,
 Et si ne puis heureux m'asseurer de ma vie,
 Destinez d'un clin d'œil la suite de mon sort.

Car comme vous voudrez, que ie viue ou ie meure,
Que mes momens soyent ans, & tout mon temps vne
heure,

J'auray pour agreable & la vie & la mort.

V I I.

Ce sont vos yeux cruels causes de mon dommage
Qui meurtrissent mon cœur, & qui froissant mes os
Me priuent du bon-heur du coustumier repos,
Faisans de mes poumons vn inhumain carnage.

Rien que vos yeux meurtriers ne mes en mon courage
Le soing melancolicq marque de mes travaux,
Que l'esprit m'accablant, de mille & mille maux
Change ma passion en furieuse rage,

Vos yeux sont mon malheur, & cependant mon ame
Sanguissant dedans moy, ne respire autre flame

Que les heureux rayons, qu'elle en va souspirant:

Ainsi d'un beau malheur ma vie se contente,
Et n'osant esperer tandis que ie lamente

Il faut que par mes yeux ie viuotte en mourant.

V I I I.

De fureur, de soucy mon ame tourmentee
Sous vostre cruauté, desire contre vn fer,
Caché dedans mon cœur, tresbucher en l'enfer,
Pour s'aller rafraischir en l'onde Acherontee:

Mais lors que de tel sois ie la sens agitee,
Voulant dedans mon sang teindre vn mortel acier,
Vos yeux tiennent ma main, & me font desirer
La vie que i'en ay heureusement succee.

Et vous qui cognoissez qu'avec toute puissance
Vous maistrisez mon cœur, & cette belle essence,
Dont l'heureuse chaleur me fait viure icy-bas.

Vous vous iouez de moy, & d'une bonne grace
Cruelle vous voulez ores que ie trespasse.

Et puis changeant de front vous ne le voulez pas,

I X.

Mes yeux ne sont plus yeux, leur essence est chan-
gee

En ruisseaux eternels pour plover mon malheur,
Et mon sang n'est plus sang, mais las! cette froideur
Qui c'est presque desia de moy toute escoulee.

Ma vie n'est plus rien que cette humeur gelee,
Qui esteint mes esprits & la douce chaleur
Dont iadis ie viuois s'esloignant de mon cœur
Me laissant vn vain corps, de moy s'est enuolee.

Las! ie ne fusse plus n'eust esté qu'en mon ame,
Vos yeux ont ralumé vn peu de cette flame
Dont les heureux effects me font viure icy bas.

Et si quelque pitié ne vous touche maistresse
Pour en vser sur moy, au malheur qui me presse
Il me faudra tomber sous l'effort du trespas.

X.

Sot Democrit, si iamais en ton ame
Amour eut mis de ses graces le trait,
Tu n'eusses dit que de Rien Rien se fait,
Veux qu'un rien cree & ma glace & ma flame.

Qu'ainsi ne soit des beaux yeux de Madame
Un rien sortant, met en braise mon cœur,
Et mon cerueau fait voguer sur l'humeur
Du froid glaçon de l'amour qui m'enflame.

I à se meslant avec ses qualitez,
Mille autres riens, par leurs diuersitez,
Preennent en moy vne forme seconde.

Qui alterant mon esprit & mon corps,
Dessous la loy de leurs riches accords,
Me font changer en vn amoureux monde.

X I.

I'adore vos beaux yeux & deteste l'horreur
De vostre cruauté, meurtriere de mon ame,
Et me desplaist de voir qu'une si belle Dame
Auec tant de beantez, loge tant de rigueur.

Las! s'il est destiné qu'à mon fatal malheur,
Vos yeux en mon humeur facent durer leur flame,
Permettez que ma main, mon triste cœur entame,
Pour chasser de mon sang, ma vie & ma douleur.

Ne me vaut-il pas mieux qu'une heure bien-heureu-
se

Termine en vn moment ma vie langoureuse:

Qu'apres vous viuottant mourir cent fois le jour.

Laissez moy donc tuer: mais tuez moy vous mes-
me

Afin que plus constant dedans les mains que i'ayme
Je laisse ma douleur, ma vie & mon amour.

X I I.

Ie ne suis plus celuy qui respiroit la vie
De vos yeux, mon Soleil, ie ne suis qu'un vain
corps,

Amour qui m'a frappé de ses traits les plus forts
Pour triompher de moy, a mon ame ravie:

Mon esprit erre en bas en la plaine obscurcie,
Et mon corps au tombeau, croist le nombre des morts:

Ma vie sous l'horreur des meurtrissans efforts
Qui bourrellent mon cœur, de moy s'est departie

Je suis l'ombre amoureux de vos rayons formé
Iors que de vos beantez, chastement enflammé,
Je tirois de vos yeux vne seconde essence.

Puis doncques que ie suis de vous seule animé,
Il faut que comme vous, de vous ie sois aymé
Ou pour le moins nourry d'une iuste esperance.

XIII.

Je ne veux plus aymer : car ceste flame ardante
 Qui consume mon cœur, m'agitte incessamment,
 Sous la cruelle horreur de l'eternel tourment
 Qui gésne sans repos mon ame impatiente:

Rien que peur à mes yeux ores ne se presente,
 Je suis rongé de soyn de moment en moment,
 Et sous le desespoir par trop cruellement
 Amour conduit helas! le bien de mon attente.

Ha! feux qui allumez ce desir en mes os,
 Vous esloignant de moy permettez au repos
 De glisser en mon sang pour finir ma misere
 Non agreables feux, mais reuivez toujours,
 Et redoublans heureux l'ardeur de mes amours,
 Faites moy viure au mal du bon-heur que j'espere.

XIIII.

Vn barbare indomté qui n'auroit dans le cœur
 Que le cruel desir qui pousse son courage,
 A respendre le sang, appaiserait sa rage,
 S'il voyoit vos beaux yeux au fort de sa fureur.

Vn Cyclope noircy de la bruslante ardeur
 Des soufflets eternels qui chauffent son ouvrage,
 Voyant de vos beautez la venerable image,
 Osteroit de son front l'espouuantable horreur.

Si moy doncques qui n'ay la cruauté en l'ame,
 Qui ne porte l'effroy de l'Aethneane flame,
 Je meurs vous regardant, ne vous estonnez pas,
 Mais par vostre douceur egaler mon martire,
 Et en prenant pitié de mon cœur qui expire
 En languissant pour vous, sauuez moy du trespas.

XV.

Il me plaist de mourir s'il vous est agreable,
 Ou d'une triste vie allonger mon malheur,

Ainsi que vous voudrez ie veux que ma douleur,
Ou viuant, ou mourant, me rende miserable.

Ie ne veux point vous voir d'un œil trop pitoyable.

Adoucir mon travail, puis que par mal langueur
Vous auez du plaisir, mais ie veux qu'en mon cœur
Se loge pour vous plaire vne mort effroyable.

Ie veux chercher mon bien au fort de mon dommage,

Ie me veux affranchir sous mon cruel seruage,
Trouuant en mon malheur quelque contentement,

Puis qu'helas ! vous voyez la force qui me gésie
Et sans faire semblant de cognoistre ma peine,

Par un œil incertain vous doublez mon tourment.

XVI.

L'impatient espoir qui guide mon nauire,
Sous la sainte clarté d'un astre bien heureux
De cet astre besson, dont les feux amoureux
Tirent de mes poulmons le vent pour me conduire.

L'escueil qui se presente à tous coups pour destruire

L'attente du bon-heur, dont ie vis languoureux,
Sont ioints incessamment sous le sort rigoureux.

Qui fait qu'en mon malheur, mon malheur ie desire

Ie me veux retirer de ce cruel Neptune,

Ie cognoy bien la fin de ma triste fortune,

Et toutes fois forcé i'acours pour y perir.

Helas ! la cause en est si plaissante & aymable,

Que ie souhaite encor estre plus miserable,

Et pouuoir adorer l'œil qui me fait mourir.

XVII.

L'asie sousspire en vain puis que sans esperance
Ie chemine à tastons par le sentier d'amour,

Tout ainsi que celuy qui privé de ce iour
Le desirant tousiours n'en a point la presence.

Sans poids ie vay leuant de mon sort la balance,
Qui ne s'arreste-point, mais en son quart detour
Remuë incessamment, & detour & retour
Me monstre la fortune, en sa vaine inconstance:

Soit ce qu'il en pourra, j'aymeray la rigueur
Du tourment agreable, où demeure mon cœur,
Qu'ores l'esper abuse, & ores reconforte.

En l'erreur de mes yeux, ie conduiray mes
yeux,

En mon sort incertain, ie verray si les Cieux
Guariront la fureur du mal qui me transporte.

X V I I I.

Au plus creux de mon cœur ie retien enfermee
La douce passion dont ie vis icy bas:

Et de ces yeux diuins les bien-heureux appas
Font que dedans mon sang ma vie est animee,

D'un si benin glaçon mon ame est enflammee,
De discords si plaisans ie resens les debats,
Par les effets d'amour, que ie ne voudrois pas
Esteindre cette guerre en mon ame formee.

Plustost ie veux tousiours renouveler en moy
L'agreable soucy de mon heureux esmoy,

Pour viure ainsi constant que mon cœur le desire,

Encores crains-ie, hélas ! de mourir sans souffrir
La peine, & le soucy qu'il me plaist de sentir
Adorant les beautez qu'en mon ame j'admire.

X I X.

De feu, d'horreur, de mort, de peine, de ruyne,
Iours, nuicts, ans, temps, momens, ie me sens tour-
menté,

Et sous les fers meurtriers de ma captivité,

Je voy l'amour cruel qui mon ame ruine.

Je me perds de langueur, de douleurs ie me mine,
Ma vie fuit de moy par trop de cruauté,
Et de mortels desdains mon esprit agité
Sent le dernier effort qui ma vie termine.

Vous filles de la nuit, vous fureurs eternelles,
Vous qui froissez là bas dessous vos mains cruelles,
Les esprits eschappez du monde & de leur corps.

Chassez par vos rigueurs la rigueur de ma gesne
Et si la peine peut se chasser par la peine,
Faites fuir de moy par ma mort mille morts.

X X.

Perdez, froissez, tuez ceste ame vagabonde,
Qui delaisant ce iour cherche vostre manoir,
O puissances d'embas si vous avez pouuoir,
Sur les captifs d'amour qui desdaignent ce monde!
Vous esprits qui tousiours allez, faisant la ronde
A l'entour de nos cœurs, taschans nous decevoir,
Employez les secrets de tout vostre sçauoir,
Pour mettre en mon esprit vne peine seconde.

Fuyez, esprits fuyez, vostre mort, vostre horreur,
Ploye sous les efforts de l'aveugle fureur
Qu'excite dans le sang vne rage amoureuse.

Tout vostre vain pouuoir n'a pouuoir sur l'amour
Je veux doncqu'encor voir les douceurs de ce iour,
Flattant en mon malheur ma vie malheureuse.

STANCES.

T Andis que languissant pour vos fieres beautez

Je sens dedans mon sang le join qui me tourmente,
Je n'ay deuant les yeux que mille cruautez,

Qui deschirant mon cœur sont la derniere attente

Du bien-heureux loyer de mes fidelitez.

Le triste desespoir qui bourelle mon cœur,
Me presse incessamment sous l'ardeur de ma peine,

Car d'un ciel desdaigneux la mortelle rigueur,
Pour redoubler en moy les tourmens de ma gesne,
M'a fait naistre ça bas suiet à tout malheur,

Les extremes soucis dont ie suis tourmenté
Font sortir de mes yeux vne source eternelle

Pour pleurer les ennuis, dont ie suis agité,

Et pour me ruiner dans mon ame fidelle,

Agrauent les rigueurs de vostre cruauté,

La mort de tous costez pres à prez me poursuit,

Redoublant les douleurs de mon cruel martyre,

Et son trait inhumain peu à peu me destruit,

Ores que malheureux ma langueur ie soupire

Attendant les horreurs d'une derniere nuit.

La peine, le desdain, la perte, la douleur

Du desespoir, du ciel, de mes pleurs, de mon ame,

S'aigrissent dedans moy & doublent ma langueur,

Cependant qu'adorant la beauté qui m'enflame,

Je sens dedans mes os leur sanglante fureur.

Ainsi pressé de mal ie me sens ruyné,

Sans oser m'asseurer qu'en ma perseuerance

Je voye mon tourment quelquefois terminé,
 Car il faut qu'en ayant veu n'aye autre esperance
 Qu'au malheur amoureux où ie suis destiné.

X X I.

De pleurs & de sanglots ie nourriray ma vie,
 En ma peine & travail ie prendray mon plaisir,
 Attendant que la mort vienne mon cœur saisir,
 Je gesneray mon ame où elle est affermie.

Ie me veux obstiner en ma peine enuieillie,
 Ie veux par mon ennuy contenter mon desir,
 Dans quelque antre ie veux ma retraite choisir
 Vivant en la douleur dont mon ame est saisie.

Ia cause de mon mal est si doute à mon cœur,
 Que ie ne voudrois pas euitier mon malheur,
 Pour oublier l'ennuy qui fait que ie souspire.

Que doncques mille fois ie meure chasque iour
 Que ie perisse heureux sous les forces d'amour,
 Et que tousiours ie sois pressé de mon martire.

X X I I.

Si ma mort vous plaisoit par vn sort fauorable
 Ores ie perirois, pour vous monstrier l'honneur
 Que ie vous veux porter, encores qu'en rigueur,
 Maistresse vous teniez mon ame miserable.

Ie ne possede rien qui soit tant desirable
 A mon ame, que l'œil par qui i'ay pris l'humeur
 Des vostres pour ma vie, & toute fois mon cœur
 Le hait si vous n'avez sa lumiere agreable.

I'aime ce qui vous plaist, ie hay ce qui vous fasche
 Afin de vous complaire incessamment ie tasche
 De regler mes pensers selon vostre vouloir,

Si donq ma mort vous plaist, donnez m'en tes-
 moignage
 Et pour vous obeir plain de brave courage.

Vous me verrez passer l'onde du fleuve noir.

XXIII.

J'avois juré tes yeux, ingrater desdaigneuse,
De me sacrifier aux pieds de ta beauté,
J'e't'avois pour i'ama'is juré ma loyauté
Et de mourir ton serf en ma peine amoureuse.

Mais ores ie te laisse, afin qu'une heureuse
Me rendant en repos ma chere liberté,
Loin du cruel desdain duquel tu m'as traité
Te guide à meilleur sort mon ame languoureuse.

Ha! te diray-je adieu! non, hélas! si feray,
Non ie demureray, non, ie te laisseray:
Car te servant i' aurois tout mal pour recompense.

Mais hélas! ie ne puis, ma vie te laisser,
Tue moy si tu peux: car ma perséverance
Avant que t'oublier me fera trespasser.

XXIII.

Ie change de desirs, non pas de volonté,
Ie change de fortune, & non pas d'esperance,
Ie change de conseil, & non pas d'assurance,
Ie change de liens, non de captivité.

De mourir pour vos yeux mes desirs ont esté
Et ma fortune estoit en mon mal patience,
Mon conseil de perir sous vostre obeissance,
Mes liens les rigueurs de vostre cruauté.

Et maintenant ie veux vivre pour vos beaux yeux;
J'espere de trouver en vous aymant mon mieux,
Assuré du loyer de mon heureux seruage,
De vos perfections eternal serviteur,
En un meilleur estat, ie change mon malheur,
Et ie change constant sans changer de courage.

XXV.

Je veux braver le sort, & ie luy suis suiet,
 Je veux forcer le ciel, & il peut sur ma vie,
 Je veux contraindre amour, il m'a l'ame affermie,
 Je veux vaincre la mort, & ie suis son obiet.
 Je le veux d'une sorte & par diuers effets,
 Vous le voulez aussi, moy par la douce envie
 Qui rend sous vos beautez mon ame assuiettie,
 Et vous vjani vers moy d'un amour trop discret.

Je me moquons du sort, il ma monstre sa force,
 Le ciel m'a maistrisé & l'amoureuse amorce
 M'a mis iusques au cœur les horreurs de la mort.

Mais vous esprouerez & vaincrez la puissance,

De la mort, de l'amour, & du ciel, & du sort,
 Selon que vous aurez conduit mon esperance.

XXVI.

De cet œil mon soleil mon ame s'illumine,
 De ce beau front mon ciel mon destin ie cognoy,
 De ces chastes beautez la vie ie reçooy,
 De ces perfections mon bon-heur ie termine.

Cet œil par la douceur de sa force diuine
 Met en moy les desirs que chaste ie conçooy,
 Et par ce front diuin heureusement ie voy
 Quel sort bon ou mauuais sur ma vie domine.

Ces beautez que i'adore entretiennent ma vie,
 Et ces perfections ont mon ame ravie,
 Au bien-heureux suiet de ma felicité.

Que puissay-je à iamais en pensèe si belle,
 Souspirer les douceurs d'une vie eternelle,
 N'ayant d'autre soucy le courage agité.

XXVII.

L'ayle courage foible & l'ame audacieuse,

J'ay l'effroy dans le sang, la valeur dans le cœur,
 Je boue de hardiesse, & ie tremble de peur,
 Sous les diuers effets d'une force amoureuse.

J'ay le courage fier, j'ay l'ame desdaigneuse,
 Je froisse sous mes pieds de l'amour le malheur,
 J'ay le sang amoureux, le cœur plein de douceur
 Benissant à part moy ma passion heureuse.

Tant de diuersitez agitent ma pensee,
 Lors que diuinement d'un beau cachet pressee
 Elle prend le patron de vos diuinites.

Voyez doncques Madame en moy vostre puissance,
 ce,

Et changez pour loyer de ma perseuerance:
 En un but arresté tant de diuersitez.

X X V I I I.

Je vous donne mon cœur, non fay, rendez le moy,
 Si ie viuois sans cœur ie viurois sans courage,
 Et ainsi ie serois comme vne vaine image,
 Sans valeur, sans desirs sans puissance, sans foy.

Sans cœur on a tousiours dedans le sang l'ef-
 froy,

Je veux donc le rauoir, & encor dauantage
 Je veux le vostre aussi, vous estes assez sage
 Pour viure sans douleur, sans crainte, sans esmay.

Ainsi ayant deux cœurs mes forces doubleront,
 Les astres & le sort ma valeur doubteront,
 Et me lairont conduire heureux ma destinee.

Mais gardez-les tous deux, car j'en auray assez
 Si vous aymez le mien, & l'aymant vous tracez
 La vie qu'en vos yeux les cieux m'ont ordonnee.

X X I X.

Mes feux sont aussi doux que ma maistresse est belle
 Mes celestes desirs esgalent les beaux yeux,

Au pris de sa douceur mon mal m'est gracieux,
 Et ma douleur est grande autant qu'elle est cruelle
 Plein de felicité ie me brusle pour elle,
 Par ses chastes rayons ie me transporte aux cieux,
 Par sa rigueur i'en tombe & puis tout furieux,
 Je consume mon cœur d'une peine eternelle.

Par sa beauté ie suis heureux infiniment,
 Par sa fierté ie suis blessé cruellement
 Du bien heureux malheur, que pour elle ie traine,
 Ainsi en l'adorant ie meurs pour sa beauté,
 Mon heur double mon mal dessous sa cruauté,
 Et ses yeux doux & fiers sont cause de ma peine.

XXX.

Mon cœur que tu es belle, hé ! te l'osay-ie dire ?
 Tu ne le sçais que trop, non tu ne le sçais pas,
 Si tu cognoissois bien les amoureux appas
 De ta douce beauté, tu plaindros mon martire.

Ha ! que tes yeux sont beaux dont mon ame sou-
 spire

Les esprits dont ie vy, qui causent mon trespas,
 Que douce en est l'ardeur qui par mille debats
 Oste de moy mon cœur, l'y remet, l'en retire.

Reconnois ta beauté recherches en l'essence,
 Reconnois le destin qui fait qu'en ta puissance,
 Je viue, ie trespasse en langueur nuit & iour,
 Et si tu peux sçavoir combien elle m'est douce,
 Combien a de pouuoir la force qui me pousse,
 Tu croiras que tu dois m'aymer pour mon amour.

XXXI.

Voulez vous voir mon cœur, ouurez moy la poi-
 trine,
 Vous y verrez les traits de vos rares beautez,
 Vous verrez en mon sang mille diuersitez.

Esnuës par l'amour qui par vous y domine.

Vous y verrez l'ardeur de ma flamme divine.

Vous verrez tout auprez mes poulmons agitez.

Qui sousspirent pour vous, & mille cruantez.

Exciter la rigueur qui ma vie termine.

Mais las arrestez-vous, vous n'y pourriez rien voir,
Car la mort aussi-tost ayant sur moy pouuoir
Effaceroit l'effet du desir qui m'enflame.

Regardez mes sousspirs, vous y verrez mon coeur
Vos beautez, mon amour, vos rigueurs ma douleur
Et soyez humble aux pleurs que vous offre mon ame.

X X X I I .

Ha que cet œil est beau, ie meurs quand ie l'admire,
Ha qu'il me fait de mal, ha qu'il me fait de bien,
Hé! que doux & amer est le foible lien,
Dont si estroitement par sa force il m'attire.

Helas! qu'il est cruel il cause mon martyre,
Car plus il me destruit lors que plus ie suis sien,
Hé! que ses feux sont doux, au monde il n'y a rien
D'agreable & de beau, que l'air que i'en respire,

Hé! maistresse attendez, attendez ma Deesse,
Ne me cachez encor ce bel œil qui me blesse:

Mais quoy, vous estes fiere au reson de mes pleurs.

Vous me le destournez, & puis douce cruelle,
Me le faisant reuoir d'une belle estincelle
Vous allumez en moy vn million d'ardeurs.

X X X I I I .

Cachez moy ce bel œil: car il m'oste la vie,
Helas! ie suis perdu en perdant sa clarté
Las! ie suis consumé aux feux de sa beauté,
Helas! en le perdant, mon ame est obscurcie.

Ie ne le verray plus, & si ie meurs d'enuie,
De le reuoir encor plus i'y suis arresté,

Plus alors ie voudrois m'en trouuer escarté,
Plus mon ame le fait, plus elle en est ravie.

Ie mourray le voyant, non ie ne mourray pas,

Ie mourray m'absentant de ses heureux appas,

Non feray, si feray: mais lequel doys-je faire?

Mourir en le voyant c'est mourir sans mourir,

Mourir en le perdant, c'est en la mort languir:

Il vaut doncq' mieux servir le bel œil qui m'esclairie.

X X X I I I I .

Par mille cruantez amour me tyrannise,
Et des horreurs de mort il estonne mon cœur,

De souci, de tourment, de peine, de douleur

Il m'agite, destruit, me travaille, me brise.

Ainsi qu'un prisonnier qui desire franchisse,

Ie tasche de fuir de mes seps la rigueur,

Et par quelque malheur finissant mon malheur,

Mon ame delivrer des nœuds où elle est prise.

Ie romps doncques mes seps ie denoue mes nœuds,

I'estains pour tout iamaïs les brasiers de mes feux,

Despitant de l'amour l'insolente puissance.

Mais bandeau furieux retire toy de moy,

Qu'amour soit doux ou fier si tiendray-je ma foy,

Car i'ay juré de vivre en son obeissance.

X X X V .

Retirez cette main, elle me fait mourir,

Hé! redonnez-la moy pour me rendre la vie,

Helas! retirez-la, non faites ie vous prie,

Car ie veux vis & mort ny vis ny mort languir.

Ces petits doigts rosins qui me viennent ravir

L'ame hors de mon sang, doublent en moy l'enuye

De sousspirer pour eux, & cette main polie

En la sentant assure & estonne mon cœur.

D'un touchement si doux glissant dessus mon ame

Elle excite le feu qui par vos yeux m'enflame,
Et causent les douceurs de mon heureux tourment.

Et puis, radoucissant la force de ma peine,
Cruelle m'allegeant mignardement me gesne,
Au plaisant desplaisir de mon contentement.

C O M P L A I N T E

D'vn triste desespoir ma vie ie bourrelle,
Ie la veux obscurcir d'une nuit eternelle,
Puis que ie suis si loin de mon heureux soleil,
Car sans ame ie vy, sans poumon ie respire,
Et absent de mon bien mon douloureux martyr
Ensevelit mon cœur sous l'oublieux sommeil.

Ie vy, ie ne vy-pas, ie meurs, ie ne meurs pas.
Il n'y a point de vie, il n'est point de trespas,
Mais vn ingrat destin sans cesse me tourmente:
Car ie ne puis mourir pource que ie suis mort,
Et ie ne suis pas mort, pour autant que mon sort
Fait qu'encores dans moy vn vain esprit ie sente.

Ie ne suis pas viuant pour autant que mon cœur
Ne reçoit mouuement, puissance ny chaleur,
Que des heureux brasiers que l'amour y attise:
Ie ne suis pas esteint, ie ne fay que languir
Pressé de mon tourment: car ie ne puis mourir.
Si loin de la beauté dont la vie i'ay prise.

Esloigné de mon feu ie ne puis m'attiser,
Esloigné de ma mort ie ne puis expirer,
Ainsi faut que ie viue & faut que ie trespasse,
En ma vie est ma mort, en mon bien ma douleur,
En ma nuit ma lumiere, en mon mal mon bon heur.
Ainsi mon sort diuers mesme soin me compasse.

Celle qui a rauy par sa force mon cœur,
Qui le fait viure en moy par sa douce rigueur,

Et qui par ses beaux yeux humble fiere le tuë,
 L'oste cruellement, le remet doucement,
 Me l'arrache humblement, me le rend fierement,
 Gouvernans mes destins d'une sorte incognüe.

Je veux en mon ennuy fondre en larmes de feu,
 Et dans mon feu glacé consumer peu à peu,
 Tirant de mes poulmons par torrens mon alleine,
 Je veux sans m'espargner distiler en humeur,
 M'esvanouyr en air, au fort de ma chaleur,
 Pour n'estre n'estant point vne semblance vaine.
 Je veux estre vn beau mort vivant entre les
 morts

Mourant entre les vifs par les cruels efforts
 Du sort inévitable à mes desirs contraires,
 Et comme on iette au loin ceux qui sont trespassez,
 Je fuiray aux desers tant que mes nerfs cassez,
 Facent mourir d'un mort, par la mort la misere.

Je ne veux plus chercher au monde de pitié,
 Je ne veux plus loger en mon cœur d'amitié,
 Puis qu'elle cause en moy la cause de ma haine:
 Si feray, la pitié encor ie chercheray,
 Pour en fin estre aymé encores i'aymeray,
 Possible en ce faisant i'adouciray ma peine.

Non, non, ie veux perir, car d'un destin heurense
 Tesmoignant à iamais mon dommage amoureux,
 Je viuray par ma mort, ie mourray par ma vie,
 Un dernier desespoir mon cœur consolera,
 Et contente à la fin mon ame sortira

Des seps qui si long temps l'ont tenuë asservie.
 Larmes toutes de sang monstrent ma douleur,
 Les misibles souspirs des fragmens de mon cœur,
 Seront iustes tesmoins du malheur que i'endure,
 Mes cris remplis d'effroy petits corps deviendront.


Qui sois, mort, crainte, horreur, aux h'omes monstrerois
Tant que ie trameray ma cruelle auanture.

Le ciel seche mes pleurs, humecte mes souspirs,
Mes cris sont emportez sur l'aisle des Zephirs,
Et ie lamente en vain en ma peyne ennuyeuse,
Pourquoy par mon soucy me rends-ie furieux?
Las ! pourquoy tant de pleurs escoulent de mes yeux
Si ie ne rends par eux ma fortune piteuse?

Mes souspirs sont si doux, ie lamente si bien,
Et toute sfois mes pleurs ne me profitent rien,
Car vn sort enuieilli s'aigrit en ma detresse,
Que ie poursuiue donc & d'vn gentil desir,
Brauant le fier destin, ie viue pour mourir,
Et meure pour encor viure pour ma maistresse,
Quand ie seray perdu, on me regrettera,
Et ce petit regret que de moy on aura,
Si possible on en a contentera mon ame,
Ie vay doncq' es desers mort attendre la mort,
Me souuenant tousiours de l'agreable sort
Des effets bien heureux de ma plus chaste flame.

En fin bois & rochers où ie fay ma complainte,
Lors que pressé de mal dont mon ame est atteinte,
Ie me consume en pleurs, en douleurs, en souspirs.
Celez-moy, perdez moy & dessous vos tenebres,
Amortissant le son de mes plaintes funebres,
Esteidez mon amour ma vie & mes desirs.

Finissant ie ne fais fin
Au destin:
Qui fait qu'en vos yeux ie viu
Ie finis pour faire mieux
Si vos yeux
Permettent que ie poursuyue.





DISCOVRS SATI-
RIQVE DE N. LE.
DIGNE.

A

F. B. DE VERVILLE.



ERVILLE Ie me ris de voir sous
Apparence
Pesle-mesle en vntas, l'honneur, &
l'ignorance,
Les biens, & la sottise, & sous vo
masque feint

Le faux dessus le vray, si naïfvement peint.

L'vn trouue bon cecy, l'autre facheux ne trouue
Selon son iugement ce que quelque autre approuue,
Tout est icy rempli d'esprit autant diuers
Que de diuersitez est rempli l'vniuers,
Tellement que l'effort d'vne Muse subtile,
Pour contenter chacun est du tout inutile.

Mais ne pouuant gagner quelque grace enuers tous
Je serois bien d'aduis de rechercher en nous,
Nous mesmes du plaisir sans vainement l'atendre,
Du vouloir d'vn commun, dont il ne doit despendre.

Quand à moy ie me ris de ces tristes humeurs,
Qui donnent tant de peine a gagner leurs faueurs

Et qui tous reformez, difficiles, & blesmes,
 Ne trouvent rien bien fait que ce qu'ils font eux mesmes
 Ne trouvent rien de goust que leur desgoutement:
 Et qui iugent de tout d'un mesme iugement:
 Sans pouvoir discerner le plus d'avec le moindre,
 Sans cognoistre à propos où le but se doit ioindre,
 Sans avoir rien solide, ils veulent rechercher,
 Et cognoistre de tout & de tout s'empescher.

S'ils sont sus un vers doux, duquel la douce veine
 Semble le clair ruisseau d'une belle fontaine
 Qui sans faire grand bruit, pour gagner un grand
 nom,

Ne laisse demonstrier qu'il est de graue surjon,
 Ceste mesme douceur naturellement claire
 Ne leur vient pas à gré, & ne leur scauroit plaire

S'ils sont sus un vers graue, & qui enflé de vent
 N'ait rien que de seuls mots sans suiet, bien souuent
 Ils le trouveront bien, & fait à leur maniere,
 Sans entendre le sens, les mots, ni la matiere.

Pour tous ces iugemens un homme à mon advis
 Ne doit pas de beaucoup travailler ses esprits,
 Car ce seroit chercher du froid dedans la flame,
 Du brasier dedans l'eau, de l'ombre apres une ame,
 Du solide en du vent, & bref perdre le temps,
 Que penser contenter ces esprits mal-contens.

De moy, ie croy que ceux qui font bien quelque
 chose

Se soucient fort peu de ceste humeur morose,
 Et moins encor de ceux qui ne trouvent rien bien,
 S'il n'y a mille mots où l'on n'entende rien:

Qui pour perpetuer le nom de leur maistresse,
 Luy donnent les fureurs d'une vieille tigresse,
 Les horreurs de la mort, & font qu'une beauté

N'a point d'autres effets que rage & cruauté,
 Que feu, que fer, que mort, qu'orage, que tonner-
 re

Et ie ne sçay quels mots plus propres à la guerre
 Au creux d'une trompette, ou au fond d'un tambour
 Que non pas aux discours qui ne se font d'amour
 Ceux qui bruyent ainsi d'une voix forcenee
 Plaine d'effrois, de pleurs, de fiere destinee,
 N'ayant rien qu'un amour à la rage animé,
 Ont fort peu, (ce me semble) où n'ont iamais aimé
 Mais se fantasians vne dame en Idee,
 Sur un suiet en l'air leur amour est guidee,
 Qui n'estant rien de soy qu'imagination,
 Ne peut monstrier le vray de leur affection.
 Car discourans d'amour souuent comme clerks d'armes
 Pensent qu'amour ne soit que souspirs, & que lar-
 mes

Que sanglots, & tourmens, qu'importune douleur,
 Et tout cela prouient de n'auoir eu cest heur
 De choisir un suiet, pour d'une ardeur certaine
 Sentir au vif le doux d'une agreable peine.

Or entre les caiets qui croissent tous les iours,
 Chacun se veut mesler de faire des amours,
 Où tant de braues noms hardis se font paroistre,
 Mais il est bien aisé Veruille de cognoistre
 Ceux qui d'un vers forcé ont imité quelqu'un,
 Ou retracé les traits des amours du commun,
 Car sans auoir iamais accosté vne dame,
 Discouru avec elle, ou descouuert sa flame,
 Sans hanter les bons lieux sans estre sur un luis
 Quelquefois tout un soir en honneste deuis,
 Passer la nuit au bal oublier ses affaires,
 Et tant d'autres suiets en amour necessaires.

Je ne croy pas qu'un homme au creux de son cer-
veau

Tuiffe trouver les traits de quelque oeuvre assez beau
Il n'est rien si naïf ny si belle science

Que les traits espronnez de quelque experience:

Car il est mal aisé que ce qu'on ne cognoist,

On le puisse aisement descrire tel qu'il est.

Mais ceux qui bien heureux d'une gentille adresse

Ont seruy par effet quelque belle maistresse

Qui d'un heureux mélange ont doucement appris,

Et le bien & le mal de tous les fauoris,

Dessus un vray sujet ils font anatomie

De la moindre faueur que peut faire vne amie:

Et discourant sans fard sçavent si bien priser

Ceste vraye douceur qu'on trouve en un baiser,

Que dans leurs vers si doux qu'une beauté amine,

L'on voit l'affection d'une amitié naïve,

L'on cognoit les desirs, l'on voit ie ne sçay quoy,

Qui sent la mignardise, & la douceur de soy.

Que sert en cas d'amour pour se bien faire entendre

D'aller chercher des mois dessous la froide cendre

Des ruines d'Ilion & pour monstrier son feu

Lancer de Iupiter le foudre trop connu

Iors que le ciel troublé esclatant tout de foudre,

Semple avoir coniuéré de mettre tout en poudre,

Qu'il tonne, qu'il esclaire, & d'un esclair to-
roux,

roux,

Semble que tout le monde est ce dessus dessous

Le bruit n'est point si grand, ny l'effroy tant horrible,

Que l'amour de plusieurs maintenant est terrible,

Cruel ensanglanté, qui met tout en monceau

Et tire d'un beau sang un inhumain ruisseau.

Un orage de pluye, vne soudaine gresle,

Ne tombe si menu, & n'est point si cruelle,
 Que les traits descochez de ce ieune enfançon,
 Que fait d'un pauvre cœur la peau d'un herisson,
 Tant il tire de traits & tant sa malice colere
 Descoche viuement la sagette legerie.

La mer n'a iamais eu tant de flots escumeux,
 Le creux du mont-Gibel ne fut onc si fumeux,
 Et iamais nautonnier ne vit telle tempeste
 Qu'un miserable amant sent de trouble en sateste,
 D'orage, & de dangers, de tristesse, & de dueil,
 Il n'est si tost en mer, qu'il ne trouue un escueil
 Que son mats ne se rompe, ou bien que son nauire
 Dans un gouffre douteux cent fois ne tourne-uire,
 Et si le plus souuent ceux qui cherchent ces mots
 N'ont iamais veu la mer, ny l'horreur de ses flots.

Un lion affamé qui trace par la roye
 Ne s'acharne cruel si fort sur quelque proye,
 Et si plain de fureur ne prend ses appetis
 Au sang d'un fain de biche, ou d'un cheureuil surpris,
 Comme ce petit Dieu, d'une cruelle rage
 Se repaist goulement du sang & du carnage,
 Des miserables cœurs, & qui tout inhumain,
 Mille fois pour un iour y vient passer sa fain.
 Or ie sçay bien qu'amour, & la peine amoureuse
 Sont, pour dire le vray, d'une humeur fort fau-
 cheuse,

Il est bien peu de maux semblables à ce mal,
 Il est peu de trauaux pareils à ce travail,
 Il n'est feu si bruslant que bruslante est sa flame,
 Il n'est rien qui tourmente, & gehenne plus vne ame:
 Mais pour monstrier au doigt qu'elle est sa passion,
 Un amant ce me semble en son affection,
 Sans tant faire de bruit, d'horreur & de furies,

Sans tant importuner le ciel de ses crieries,
 Et sans tant rechercher la douleur des vieux Grecs,
 Peut d'un vers doux coulant declarer ses regrets,
 Et faire entendre à tous par un chant pitoyable
 Languissant tristement son estat miserable.
 Celuy esment le mi eux qui sçait mieux exprimer,
 Et celuy qui s'exprime entend que c'est d'aymer,
 Car sans tant desguiser le mal qui le tourmente,
 Il monstre clairement le but de son attente,
 Puis s'il est bien venu, & que plein de bon-heur
 Il sente quelquefois quelque douce faueur,
 En la mesme facon qu'il mignarde, & qu'il baise,
 Avec les mesmes traiçts, dont il se comble d'aise,
 Avec la mesme grace, & les mesmes plaisirs,
 Avec les mesmes feux, & les mesmes desirs,
 Avec mesmes discours, & la mesme parolle,
 Il chante la douceur qui encor le raffolie:
 Et quelque fois si bien, que quelqu'un par apres
 Voyant la mignardise imité de si pres
 Lit ses vers etonné, & confesse en-foy-mesme:
 Que de l'affection que l'autre aymoît, il ayme.
 Bien souvent un bon mot entendu proprement,
 Le mal, ou le plaisir décrit naïfvement,
 Sont bien de plus grand poix, qu'un tas de mots sans
 nombre.

Qui ne s'expliquent, point, & ne seruent que d'ombre:
 Et lesquels bien relus, l'on ne sçait qu'on a leu,
 Tenans du naturel de l'esclair tout en feu,
 Qui fait monstrier de luire au sortir de la nuë,
 Mais au lieu d'esclairer obscurcit nostre veüe.

Quand il est question de dresser en camp clos
 Les furieux combats de quelques grands Heros,

Lors il est bien decent de faire que tout tonne,
De voir l'horreur d'un Mars, l'effort d'une Belon-
ne,

Les coups, les cris, le sang, que tous les elemens
Sembrent pesle-meslez en leurs commencemens,
Voir ruer si grand coup le pesant Cimeterre
Qu'il entre de roideur demy-pied dedans terre.

L'on ne scauroit trop dire en si grave discours,
Mais l'effroy n'est point propre avec les ieux d'A-
mours,

Un amant est craintif & doute la surprise,
Il n'ayme pas le bruit, vne belle entreprise
Se retarde souuent au simple bruit d'un huis,
Il veut estre à reçooy pour conter ses ennuis,
Il faut que doucement il prenne patience
De donner de son mal la vraye intelligence.

Le fameux aduocat qui ne veut s'amuser
A faire un long discours pour mieux s'autoriser,
Tasche a venir au point, & sage ne propose
Que clairement en bref ce qui fait pour sa cause.

Il est par trop facile, à un qui sçait parler,
De faire sur un rien de beaux discours en l'air
Trouuer de beaux suiets, feindre des fantasies,
Mais qui sont quelquefois ainsi que les vessies
Ces petits garçonnetts, qui ne peuvent durer
Que le temps que la peau peut le vent endurer,
Et qui fasche à la fin des enfans de courage,
Pour n'estre à leur iouiet d'aucun certain vsage.

Le peintre pour plaisir qui veut faire un tableau
Selon l'invention de son libre cerueau,
Sans suiet, sans histoire, & sans viue figure,
Peut ainsi qu'il luy plaist desguiser sa peinture,
Au coin d'un bois taillis, il mettra bien souuent

Vn Satire amoureux, qui va comme le vent
 Apres les pas craintifs d'une simple bergere,
 Il peindra vn Centaure, vn Ours, vne Chimere,
 Vn Neptune, vn Bacchus, des bleds, des prez, des
 fleurs

Et pourueu que le tout rapporte à ses couleurs,
 Pourueu que la raison de son art soit gardee,
 Qu'il voye d'un doux trait sa besongne fardee,
 Tout est bien ce luy semble, & ne se soucie point,
 S'il poursuit comme il faut vne histoire en tout
 point.

Tout ainsi ces messieurs, qui ont l'ame eschauffee
 Des vertueux desirs de l'honneur d'un trophée,
 Qui viuement poussez des fureurs d'Apollon,
 Sur l'immortalité vont buriner leur nom,
 Frayant mille sentiers sus vn mont de Parnasse,
 Cherchant l'antique nom de tous les coins de Trace,
 Mesprisans leurs pays, pour trouuer par les mers
 Les embellissemens de leurs hauts tonnans vers,
 Comme le peintre oisif, selon leur fantasi e
 Tantost çà, tantost là, poussans leur poësi e,
 Pensant auoir beaucoup fait de cracher sans propos,
 Le sens mal entendu de mille estranges mots:
 Et pour faire leuer du soleil la lumiere
 Abondans en discours prendront tant de matieres
 Qu'escruiains le matin pour monstret leur sçauoir,
 Seront le plus souuent du matin iusqu'au soir.
 S'il deuissent d'amour, ou sont pres de leur dame,
 Ils feront mille pars des parties de l'ame
 Pour tomber sur l'amour, & dire seulement
 Que tout homme aflagé cherche soulagement.

Or tous ces beaux discours ne craignent le mes-
 dire,

Car ils ont pour raison qu'il leur plaist d'ainsi dire.
 Comme pour son tableau le peintre peut aussi
 Donner pour sa raison qu'il luy plaist faire ainsi:
 Mais quant il faut qu'un peintre asseurement res-
 contre

Les traits au naturel c'est alors que ce monstre
 L'artifice & l'esprit car ce n'est pas assez,
 De bien faire des yeux, vne bouche & vn nez,
 Et meslant les couleurs d'une main delicate
 Peindre vn ombre si bien que d'une chose plate
 L'on pense voir la bosse en hauteur s'esleuer,
 Outre tous ces beaux traits encor il faut trouver
 Vn ie ne scay quel air qui vient ou d'auenture
 Ou du profond secret des faueurs de nature
 Pour bien donner le vis, & faire ressembler,
 Et d'autant que fort peu scauent trouver cest air.
 Celuy qui le scait mieux cacher en son ouvrage,
 Est trop plus estimé, que celuy qui volage
 Fait quelques trais bien doux sus vn plain à plaisir.
 Et ne scauroit pourtant le naturel choisir.
 Entre les bons esprits celuy là ce me semble
 Qui s'esgare le moins, au bon peintre ressemble.
 Quand poussé de l'instinct de son affection
 Il monstre le vray poinct de sa conception.
 Je ne dy pas pourtant que la muse hardie
 De ceux qui font tonner la grane tragedie,
 Pour effrayer l'esprit du craintif spectateur,
 Ne doye bien souvent se horribler d'horreur,
 S'ensanglanter de meurtre, & d'un cruel courage
 Auoir pour tout suiet la frayeur & la rage,
 La peur, la mort, l'effroy, les fureurs, les serpens,
 Et tous les mots d'Enfer qui font peur aux enfans;
 Coniurer de Pluton la puissance infernale,

Faire sortir afreux vn desesperé paste,
 Qui ennuyé de viure, ou surpris de fureur,
 Se donne malheureux d'un poignard dans le cœur.
 Lors celà sied fort bien : car vne chose grande
 Veut vn grand appareil : mais amour ne demande
 Tant & tant de façons, il ne fait point le grand,
 Il ne veut point d'effroy, il n'ayme point le sang,
 Il est paisible, & doux, & ses leures mignardes
 Aymant mieux trois baisers, que trois harquebis-
 zades,

Les doux embrassemens d'une chere beauté,
 Que le meurtre assassin de quelque cruauté,
 Vn discours gracieux fait tout bas en l'oreille,
 Que mille cris soudains tous remplis de merueille,
 Vn petit coup de main dessus vn sein mignard,
 Que sentir en fureur la pointe d'un poignard.

Mais tous ne font pas bien : & ceux qui mettent
 De faire des discours d'une seconde veine, (peine
 Sont assez empeschez d'estre bien recognus,
 Et bien souvent leurs vers sont assez mal receus,
 Car comme la peinture au peintre est naturelle,
 Ceux qui cherchent aussi la memoire eernelle
 Ont beau se tourmenter, & faire curieux
 Des discours si bien faits qu'on ne peut faire mieux.
 Ils n'auront point de cours, & ne pourront pas plaire
 Si d'un certain destin la faueur debonnaire
 Ne leur donne credit, & soustenant leur nom,
 Au iugement de tous ne fait tout trouver bon.
 Le destin tout-puissant gouverne toute chose,
 Des richesses icy à son gré il dispose,
 Et sans auoir esgard à qui l'a merité
 Il depart à clos yeux selon sa volonté
 Enrichissant le sot d'une belle abondance,

Laisant pauvre celuy qui ayme la science,
 Et qui suiuant les pas d'honneur & de vertu,
 Est souuent mal-nourry, mal-couche mal-vestu.

Ainsi sans regarder celuy qui le merite,
 Il oste quelquefois sa grace favorite
 Aux enfans d'Apollon, & fait par l'vniuers
 Avec vn los prisé rebruire certains vers
 Mal polis, & mal faits, desquelst a renommee
 Est de tout le commun toutesfois estimee,
 Laisant sous l'espaisseur de l'oubly sombre & noir,
 Des discours accomplis & d'art, & de sçauoir,
 Qui doctement parfaits meriteroyent la place,
 Et le siege plus haut du plus beau de Parnasse.
 Mais quoy ? c'est le mal-heur, ils sont infortunez,
 Et aussi peu cogmus que s'ils n'estoyent pas nez.
 Celuy s'efforce en vain de faire quelque chose,
 A qui le fier destin en contraire s'oppose,
 Si d'vn secret bon-heur il n'a les cieux amis
 Il s'attend sans propos à ses desseins compris.
 Car si les cieux vouloyent departir favorables,
 Les biens & les honneurs à ceux qui sont capables,
 Il faudroit maintenant le monde renuerser,
 Pour d'vn siecle age-d'or lestraits recommencer:
 Il faudroit de nouueau refaire les partages,
 Et prendre sur les sots, ce qui est deu aux sages.
 Mais le sort inegal est sans proportion,
 Et ne fait rien icy qu'à sa deuotion,
 Si que sans mandier le bruit de la commune,
 Il faut en toute chose attendre la fortune,
 Ne trouuer rien mauvais, & d'vn ferme maintien
 S'apprester pour suiect & du mal & du bien,
 Se donner du plaisir de toute chose honneste,
 Des iugemens d'autruy ne se rompre la teste:

Car qu'importe l'erreur d'un cornu iugement
 A celuy qui se plaist escriuant doctement?
 Qui tout ainsi que toy, par un bon heur, Veruille.
 Sçais sagement mesler le doux avec l'utile,
 Et mignard contenter ton amoureux desir,
 Si les discours d'amour te viennent à plaisir,
 Puis graue rechercher la douceur de la vie,
 Si tu veux voir l'effet de la Philosophie,
 Où ton esprit gentil s'esgaye bien-heureux,
 L'aissant couler le fil de fortune & des cieux,
 Cependant que ta muse heureusement te pousse
 A te donner plaisir de sa douceur plus douce:
 Sans auoir grand souci si quelques mal-contens,
 Quelques vns qui iamais n'eurent iour de bon
 temps
 Aboiront tes escrits, veu que toute ignorance
 Ne hait que ce qui est hors de sa cognoissance.

LE PALLEMAIL.

Nous sommes trois passans qui demandons
 logis
 Au moins pour vne nuit, chez vous mes damoy-
 selles,
 Et quand nous nous serons quelque peu rafraischis
 Du lieu d'où nous venon vous dirons des nouvelles.
 Nous venons d'un pays où nous auons appris
 Du ieu de Pallemail l'exercice agreable,
 Dans les beaux promenoirs de la belle Cypris
 Environnez de fleurs & tous couuers de sable.
 Logez nous s'il vous plaist, nous vous dirons les
 loix
 Qu'on pratique en ce ieu, l'allee & la maniere

Comme le mail doit estre, & de quel roide bois
La boule peut durer plus longuement entiere.

L'allee doit auoir vne iuste longueur,
Des bords a ~~de~~ deux costez pour garder que la boule
Ne se glisse dehors poussee de roideur,
Mais prenne le milieu cependant qu'elle roule.

Qu'elle soit ferme & seiche, & dressee vniment:
Car si elle estoit molle, elle seroit fascheuse,
On n'y pourroit mener la boule plaisamment
Telle incommodité la rendroit ennuyeuse.

Que les bords soyent tondus car si ils s'allongeoyent
Iors que la boule court, ils luy nuiroient à tendre
Au chemin du milieu & si la retiendroyent,
Si bien qu'on ne pourroit aisement la reprendre.

Il faut pour bien iouer auoir vn mail bien fait,
Bien ferme par deuant, bien iuste en l'emmanchure,
Autrement il seroit à defaire suiet
Et donner bien souuent des coups à l'aduanture.

Il le faut assez gros & non pas trop aussi,
Ayant le manche fort & roide de nature,
Le trop long n'est pas bon, ny le trop racourci,
Mais tousiours le moyen fait frapper de mesure.

Pour la boule il faut prendre vn bois ny sec ny vert,
De la racine viue il faut qu'on le choisisse,
Et le faire durcir en quelque lieu couuert,
Pour estre fort & ferme, & en tirer seruisse.

Quand on sera fourni de tout esgalement
D'vn mail bien amanché, d'vne boule bien forte,
Il faudra se dresser pour frapper iustement,
Et debuter du haut d'vne petite motte.

Si on ne frappe droit on ne fait gueres bien,
Et si l'on srt dehors on a beaucoup de peine
A se remettre en ieu, & si on ne fait rien.

Après qu'on est sorty si sur l'herbe on se traîne.

Il se faut en touchant tenir ferme en son lieu,
Et pousser roide & droit d'une force animée,
En s'exerçant tousiours de prendre le milieu
Pour faire sans tourment en moins de coups l'allée.

Quand on a fait de voir de tirer de grands coi
Il faut prendre la boule en la leue creusée,
Et visant à l'archet la mettre droit dessous,
Car l'on n'acheue point qu'elle n'y soit passée.

C'est le plus grand plaisir que ioyant deux à deux
Joindre le Gentil-homme avec la Damoiselle,
Mais faut que l'homme soit si adroit & heureux,
Que donnant aduantage il soit aussi fort qu'elle.

Et faut pour cet effet qu'elle pousse souuent
Conduisant à l'egal tousiours son aduantage,
Toutesfois il est bon qu'elle nait le deuant
S'elle veut du plaisir à l'heure du passage.

Qui veut à ce beau ieu ioyier à son desir,
Ne hante lieux publics: mais les maisons honnestes,
Aux lieux par trop communs n'y a pas grand plaisir,
Car on est empesché des passans ou des bestes.

Nous vous auons tout dit, s'il vous plaist essayer
Ce que nous en sç auons, prestez-nous vos allées,
Nous fournirons du reste, & nous verrez frapper
Assez dispostement dix ou douze passées.

Et cependant sçachez, qu'ainsi que de vos mains
Le mail chasse à son but cette boule arrondie,
Aussi vos volontez forcent à leurs destins
Les plus heurenx desirs qu'ayons en cette vie.

Et vous y exerçant voyez, comme en rondeur
La boule se tournant, est la certaine image
De cette affection dont l'eternelle ardeur
Fait que nous vous ayons tousiours dans le courage.

L'ALCHEMISTE.

ON dit qu'en ce pais les Dames ont envie
 D'entendre les secrets de la Philosophie,
 Et pourtant moy ie veux leur estre seruiteur,
 Pour ce que les sçachans des hommes n'ay que faire
 Aux Dames seulement ie veux dire l'affaire,
 Leur monstrant par effet de l'œuvre la douceur.

En infinis endroits la matiere peut estre,
 Qu'il faut diligemment en facultez cognoistre:
 Car animale elle est, vegettant doucement,
 Aussi pour subsister sa force est metallique,
 Parquoy triple par soy sa vertu harmonique
 Fait vne liaison d'un iuste assement.

Cette matiere encor est ♂ masle & femelle,
 Et si n'est rien des deux, mais comme naturelle.
 Aux deux sexes elle est avecques son vaisseau,
 Son alembic aussi en est vne partie,
 Sa cucurbite en l'autre, & le cymment qui lie
 Pour rien n'evaporer par le col le vaisseau.

Pour la bien preparer par vne flame douce
 Naturelle de soy, il faut qu'elle se pousse
 Pour son autre chercher, comme le fer l'aymant,
 Les pareils naturels il faut conioindre ensemble
 Par vn lien d'amour qui les choses assemble,
 De nature excitant le formel mouvement.

Il n'en faut rien oster de peur de la destruire,
 Mais faut pour s'en aider par vn bon sens l'eslire,
 Et la nourrir en soy sans en rien l'alterer,
 Si ce n'est pour donner vertu à sa substance,
 Qui dans soy tient de soy, par esgale balance
 Ce qui luy faut par elle, en soy mesme adiouster.

Qu'elle soit animale, il est tresnecessaire,
 Mesme de l'animal pour à l'animal plaire
 Qu'elle soit vegetable, il faut pour la nourrir,
 Et metallique aussi, afin que sa duree
 Ne puisse en agissant estre tost terminee,
 Si elle n'a ces trois on ne s'en peut servir.

Ce qu'elle a dedans soy qui tousiours se vegette
 Est la force qui rend nostre essence parfaite,
 Est l'esprit de ce corps qui la matiere tient,
 Ceste matiere en nous est liee & cachee,
 Mais par vne sensible elle en est arrachee,
 Et en se vegettant hors du corps l'esprit vient.

Elle n'est pourneant d'animale nature,
 Car ainsi que vivante en soy-mesme elle endure
 Et monstre ses effects par agitation,
 Ainsi que le metal elle est ferme & coniointe,
 Et quand de son semblable elle se sent attainte,
 Elle affermit son tout par son esmotion.

A part elle se tient existant à par elle,
 Mais seule & separee elle n'est naturelle
 Comme quand elle est vne en sa conionction,
 Car adonc le secret de nature se monstre,
 Et par leur naturel qui force leur rencontre,
 Se fait rewerberant la dissolution.

On ioinct premierement les qualitez ensemble,
 Et l'esprit atractif esgalement assemble,
 Pour ne faire qu'un seul, ce qui se separoit,
 Lors un feu naturel qui la matiere excite
 Par un doux mouvement, les qualitez incite,
 Pour allier en un ce qui se desiroit.

Lors pour les calciner les corps on rarifie,
 Et mettant au plus chaud la plus douce partie,
 On les fait sublimer au naturel vaisseau,

Tuis naturalisant tandis qu'on reuerbere,
 Par inclination l'esprit vient a s'extraire
 Duquel au long du filtre il faut distiler l'eau.

Ce faisant il conuient reserrer les parties,
 Qui en se sublimant se rendroyent affoiblies
 Si on ne les pressoit en la conionction,
 Qui ne les vnissant doucement les enflame
 Tant que dessous l'effet de sa derniere flame,
 Soit cognu le plaisir de la proiection.

Pour ces ceuures diuers ne faut tant d'artifice,
 Que pense le commun, mais fortune propice
 A ceux qui ont desir d'un tel bien en leurs iours.
 Ne faut plusieurs vaisseaux, fourneaux distilatoi-
 res,

Retortes, alembics, enfers, sublimatoires,
 Charbon, ny marq, ny bois, mais le doux feu d'amours.

C'est assez voila tout, hors mis l'experience,
 Mais si par ses raisons on ne sçait la science,
 Et que quelqu'un vueille en sçauoir iusqu'au bout,
 Luy plaise que traitions ensemble la matiere,
 Avec un seul vaisseau, nous ferons l'ceuvre entiere
 Et par un instrument nous parferons le tout.

Sonnet à vne Dame sur son
 portrait.

Nyle subtil pinceau du Peintre ingenieux
 Qui tiroit vos beautez, ny l'ordonnance belle
 Dont il sçauoit coucher la couleur naturelle,
 Qui represente en vain les beaux traits de vos yeux,
 Nyle tableau terrestre, ou ce qui est de mieux

N'est que l'ombre menteur d'une essence eternelle
 Ne nous peuvent monst'rer ceste grace immortelle,
 Ny la sainte beauté qu'ont mise en vous les cieux
 Il faut pour bien peindre vne chose diuine
 Vn tableau qui du ciel ait pris son origine,
 De semblables couleurs, & vn pareil tableau.
 Amour est le pinceau, les couleurs sont ses flans,
 Le bien-heureux tableau vne infinité d'ames
 Où est portrait au vif ce qu'avez de plus beau.

Quatrains aux Dames.

I.

Amour n'est point l'effet qui travaille le cœur
 Il est venu du Ciel, du Ciel est son essence
 Sur les celestes cœurs il monstre sa puissance,
 Et en l'ame terrestre il loge sa rigueur.

II.

L'honneur & la vertu sont parens de l'amour,
 L'amour est le bon-heur qui entretient le monde,
 Et quand mesme on perdrait les beautez de ce iour
 On trouueroit en luy vne vie seconde.

III.

Belles ne pensez pas que vos yeux soyent la cause
 Ny vos autres beautez, que l'on voit par dehors,
 De nous brusler d'amour: vne plus sainte chose
 Nous force à vous aymer que la beauté du corps.

IIII.

Quand toutes les beautez seroyent en vne mesme,
 Elle n'auroit d'amour, sans amour la faueur,
 Il veut pour estre ayiné, que de bon cœur on ayme,
 Si donc tu veux m'aymer ie te suis seruiteur.

V.

Cette fureur n'est rien, dont se trouue abbatis
 Le fol passionné qui suit sa fantasie,
 L'amour n'est point fureur, c'est vne douce envie
 Qui par les vertueux nous pousse à la vertu.

VI.

L'amour est le desir qui nostre cœur transporte
 Apres ce qui est beau & sa puissance forte,
 Nous contraint d'admirer ce qui par sa beauté
 Nous semble se sentir de la divinité.

VII.

L'honneur n'est point honneur si l'amour ne le fait
 Tout manque sans amour: car l'amour seul peut faire
 Ce qui peut icy bas, toutes choses parfaire,
 Il parfait donc l'honneur qui parfait l'imparfait.

VIII.

La vertu suit l'honneur, l'honneur la vertu suit
 Comme l'ame le corps qui seroit mort sans elle,
 Ensemble ils sont liez de force mutuelle,
 L'un fait exister l'autre & l'un par l'autre vit.

IX.

C'est abus de penser que les diuinitez
 Errent par les forests sous diuerses essences,
 Il n'y a point d'amour, deitez ou puissances
 Errans en ces bas lieux que vos santes beautez.

X.


La beauté qu'ont en soy les dames d'icy-bas,
 Sont les diuers appas
 Qui par leur artifice
 Nous monstrent la vertu, ou nous poussent au vice.


Fin des Souspirs amoureux.



LIBRARY











8°
89